



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Concilivm Valentinvm II. Synodvs Habita In Vrbe Valentina X. Kalendas
Iunii, anno XXIII. regni gloriosissimi domini Gunthcramni regus, indictione
II. id est, Anno Christi DXXCIX vt Binius putat.

urn:nbn:de:hbz:466:1-15221

ANNO
CHRISTI
583.

NOTÆ IACOBI SIRMONTI
SOCIETATIS IESV.

¹ *Anno Christi DXXCIII.*] Meminit Gregorius Turon. lib. 6. capite 1. Synodi apud Lugdunum conuocata anno sexto Childeberti regis, hoc est anno Christi 581. Verum is annus erat Guntramni tantum 20. huius vero nostræ inscriptio annum denotat 22. Sic enim habet: *Synodus habita in ciuitate Lugdunensi anno 22. regni gloriosissimi domni Guntramni regis.* Annus autem Guntramni 22. iuxta æram nostram congruit anno Christi 583. At qui Clotarii obitum serius constituunt, Concilium hoc reiciunt in annum 586. alii in annum subsequenter.

² *Id etiam de epistolis.*] Locus est mendosus, cui veterum exemplarium inopia mederi non licuit. Can. 2.

³ *Placuit etiam vniuerso Concilio.*] Citatur hic Canon in antiquis collectionibus Andegauensi & Diuionensi, titulo *De viduis, pupillis, & pauperibus.* Can. 6.

NOTÆ SEVERINI BINII.

¹ *Concilium.*] In hoc Concilio ad disciplinam ecclesiæ reformatam anteriorum Conciliorum constitutiones confirmatæ sunt. Ex viginti episcopis duodecim per suos vicarios interfuerunt & subscriplerunt. Qui sint Euanthius & Syagrius, dixi supra in notis Concilii Matisconensis I. ex Adonis Viennensis chronico.

² *Anno Christi 587.*] Cum hoc enim anno vigesimus secundus regis Guntramni coincidit: vt patet ex iis quæ supra diuersis in locis hac de re notata fuerunt.

³ *De epistolis captiuorum.*] Literæ captiuorum sunt, quas pro redemptione captiuorum episcopi scribere solebant. Baron. anno 142. numero 9. Can. 2.

ANNO
CHRISTI
584.

^a CONCILIVM VALENTINVM II.

SYNODVS HABITA IN VRBE VALENTINA

¹ x. Kalendas Iunii, anno XXIII. regni gloriosissimi domini Gunthramni regis, indictione II. id est, ² anno Christi DXXCIV. Pelagii II. papæ VII. Chilperici regis XXIII.

² Anno
Christi
DXXIX.
vt Binus
putat.

Confirmantur a Synodo quæcumque Gunthramnus rex, ipsiusque uxor, & filia, in diuersas ecclesias, vel alia pia loca contulerant.

CVM in vrbe Valentina, iuxta imperium gloriosissimi Gunthramni regis, nostra mediocritas pro diuersis

pauperum querimoniis conuenisset, id primo auctore Deo decreuimus faciendum, quod pro salute regis, & animæ suæ saluatione, vel religionis statu censuimus opportunum. Id est, ut quia prædictus rex per virum illustrem Asclepiodotum referendarium datis ad sanctam Synodum epistolis suis iniunxit, ut quodcumque tam ipse, quam bonæ memoriæ iugalis suæ Austrechildis regina, vel filiæ eorum, Deo sacratæ puellæ, id est, bonæ memoriæ Clodebergis, vel Clodehildis, locis sanctis contulissent, aut adhuc conferre decreuerint, auctoritate apostolica deberet sancta Synodus præsentis titulo manuum suarum subscriptione firmare. & quia tam laudabili deuotioni, non solum sacerdotalem, sed etiam diuinam credimus posse conniuentiam conspirare; idcirco præsentis constitutione vnanimi consensu, Deo medio, Synodus sancta decreuit, ut si quid basilicæ sancti Marcelli, vel sancti Symphoriani, vel quibuscumque locis, vel seruientibus Deo, per quascumque auctoritates, vel scripturarum epistolas, præfatus dominus rex, vel supra nuncupata iugalis suæ, & filiæ eorum, siue in ministerio altariorum, siue in quibuscumque speciebus, quæ ad diuinum cultum pertinere noscuntur, contulisse vel adhuc conferre voluerint, neque episcopi locorum, neque potestas regia quocumque tempore successura, de eorum voluntate quidquam minorare, aut auferre præsumat. Quod si quis hoc quocumque tempore temerare, aut auferre præsumpserit, veluti necator pauperum, anathemate perpetui iudicii diuini plectatur, & veluti sacrilegii perpetrator, criminis sui reus, supplicii æterni teneatur obnoxius.

SVBSCRIPTIONES EPISCOPORVM.

¹ Sapaudus in Christi nomine episcopus ecclesiæ Arelatenfis, subscripsi.

Priscus in Christi nomine episcopus ecclesiæ Lugdunensis subscripsi.

Euantius in Christi nomine episcopus ecclesiæ Viennensis subscripsi.

Isitius in Christi nomine episcopus ecclesiæ Gratianopolitanæ subscripsi.

Ragnoaldus in Christi nomine episcopus ecclesiæ Valentiniæ subscripsi.

Trapidius in Christi nomine episc. ecclesiæ Arausicæ subscripsi.

ANNO
CHRISTI
584.

Eusebius in Christi nomine episcopus ecclesiæ Matiscensis subscripsi.

Flavius in Christi nomine episcopus ecclesiæ Cabilonensis subscripsi.

Pappus in Christi nomine episcopus ecclesiæ Aptensis subscripsi.

Vrbicus in Christi nomine episcopus ecclesiæ Regensis subscripsi.

Aridius in Christi nomine episcopus ecclesiæ Vappicensis subscripsi.

Artemius in Christi nomine episcopus ecclesiæ Valsensis subscripsi.

Martianus in Christi nomine episcopus ecclesiæ Tarantasiensis subscripsi.

Pologronius in Christi nomine episcopus ecclesiæ Sigestariæ subscripsi.

Eusebius in Christi nomine episcopus ecclesiæ Tricastinæ subscripsi.

Cariato in Christi nomine episcopus ecclesiæ Genauensis subscripsi.

Boetius in Christi nomine episcopus ecclesiæ Carpentoratensis subscripsi.

NOTÆ IACOBI SIRMONTI
SOCIETATIS IESV.

* *X. Kalendas Iunii.*] Legendum *Iulii.* & mox pro anno 23. vulgati habent anno 24.

* *Anno Christi DXXCIV.*] Huic prorsus anno congruit mensis Iunius indictione 2. quam Synodi præfert inscriptio. Ceterum hic annus Guntramni regis, iuxta æram Gregorii & nostram, fuit tantum 23. Quare ita potius scriptum videtur, quam 24. ut est in vulgata inscriptione. Alii contra mendum esse coniiciunt, non in annis Guntramni, sed in nota indictionis, eamque 7. fuisse volunt, non 2. & quia Guntramni annum 24. congruere putant cum anno Christi 589. in eum annum Synodum Valentinam coniiciunt.

* *Sapaudus Arelatensis.*] Sapaudum & Euantium episcopos, qui hoc loco subscribunt, anno 11. Childeberti, hoc est anno Christi 586. diem obiisse notat Gregorius Turon. lib. 8. cap. 39. Aberrant ergo, qui Synodum hanc triennio post habitam decernunt, ut dictum est.

NOTÆ SEVERINI BINII.

* *Concilium.*] In hoc Concilio nihil aliud factum inuenitur, quam quod ad instantiam regis Guntramni, donationes, quas ob pias causas, nimirum in vsu pauperum & ecclesiæ ipse eiusque posterit contulerant, vel collaturi essent, priuilegiis & immunitatibus ecclesiasticis donata fuerint.

Quid in
hoc Con-
cilio ge-
stum.

72 VERANI EPISCOPI SENTENTIA.

^b Anno Christi 589.] Celebratum est hoc Concilium X. Kalendas Iulias in fine anni 24. regis Guntramni: adeoque anno Christi 589. Nam 24. annus Guntramni incipit circa Septembrem, anno Christi 588. & finitur anno Domini nostri Iesu Christi 589. mense eodem. Vnde patet, emendandandum esse illud quod in titulo inscriptum habetur; indictione secunda. Nam cum anno 25. Guntramni regis indictio septima coincidit, non secunda.

ANNO
CHRISTI
589.

SENTENTIA

VERANI EPISCOPI CABELLICÆ

in aliqua huius temporis Synodo dicta.

De castitate sacerdotum.

VERANVS episcopus dixit: Quis præfidentem sacris altaribus, atque ad ipsa sancta sanctorum honoris privilegio venientem indignissimis carnalium voluptatum contaminari illecebris patiatur; ac sub ipso coniugalis licentiæ nomine acquiescat quempiam clericorum, & sacerdotis agere officium, & mariti implere personam: cum purificatis corporis atque animi moribus multa cogitatione perpendendum, quam idoneus esse debet is qui ad celebranda mysteriorum loca non solum pro suis, verum etiam pro alienis peccatis intercessurus accedit. Incongruum siquidem mihi videtur, de coniugali toro aliquem confurgentem altariorum septa penetrare. Ipsi utique illuminati & docti de Spiritu sancto optime nostis, oblaturum spiritualis sacrificii victimas quali oporteat igne flagrare. Si enim in lege veteri, vbidum euangelicæ perfectionis auctoritas præfulgeat, sancto Dauid, cum fugæ necessitate premeretur, sacerdos Sadoch non prius panes propositionis tradidit, quam se & pueros suos iam die tertio mundos esse a mulieribus fateretur; quis immaculatas agni carnes ad salutem mundi præstittas post passionum inquinamenta, vel etiam audeat consecrare? Beatus Paulus apostolus in veritate nos contestatur dicens: Probet se unusquisque ministrorum, & sic panem illum præsumat offerre. Notum vobis est, circa loca beatitudinis vestræ, sub magnorum patrum disciplina, monachorum congregationes esse non paruas, vnde ad supplenda clericorum officia in promptu est viros bonos assumi. Vtilior est enim

1. Cor. 11.

in ec-